

fratres dispositi, et sorores, et ibat. Confortabat omnes in Domino, et singulos assabatur ore benevolo. Commendabat transitum suum condiscipulis, et hortabatur ne unquam tepescerent a bonis institutis.

26. Habitis ad sexum utrumque sermonibus, sacra communione percepta, in consummatione probabili, in hujusmodi videlicet salutationibus, et bonis exercitationibus se expendens, invaletudine ingravescente, imo Deo suum alumnū invitante, in loco qui dicitur Ursanum (32), inter manus singultuosi

(32) Rinaldus, Ursonium vocat. Nicquetus Gallice *Orsan*.

(33) Hic est Ludovicus VI cognomento Crassus, qui an. 1108 Philippo patri successit. obiit 1137,

A gregis spiritum emisit, et, ut creditur, ad astra recessit, ut ubi perenniter cœli regionarius, sed magis juxta Apostolum, hæres factus Dei, cohæres autem Christi (*Rom. viii, 17*), gaudiis frueretur sempiternis. Opimis autem familie Dei, et præcipue ancillarum Christi, corpusculum ejus irroratum lacrymis, redditum est Fontevraldensi monasterio, et in condigno sepultum mausoleo : Ludovico in Francia regnante (33), Paschali urbis Romæ papatum ministrante (34), Jesu Christo Domino nostro imperante per infinita sæcula. Amen.

1 Aug.

(34) De Paschali II actum antea obiit 22 Jan. sedis anno xix.

## VITA ALTERA

### B. ROBERTI DE ARBRISSELLO

SIVE

#### EXTREMA CONVERSATIO ET TRANSITUS EJUS

*Fontevraldensis.*  
Auctore monacho Fontis Ebraldi, Andrea, ut creditur; ipsius discipulo et confessario.

##### CAPUT PRIMUM.

B. Roberti ægritudo, deliberatio de abbatissæ electione.

1. Descripta per Baldricum venerabilem Dolensem metropolitanum, luculento sermone, magistri Roberti Vita (1); descripta etiam compendiose ejus recitanda conversatione et morum honestate: libet (2) etiam sub brevitate ad posterorum recordationem revocare, qualiter circa finem vitæ se habuerit, qualiterve ex hoc mundo migraverit. Hoc tamen hujus operis lectori notum facio, quia non omnia quæ dicenda erant, in hoc tractatu nota; sed potius quæ dicenda sunt, breviter significabo; nam si cuncta quæ in ultimo vitæ suæ anno per eum Dominus operari dignatus est, per singula velle recitare, fateor quia tanto pressus pondere, etiam nolens succumberem. Sed quotiam ad hæc investiganda, ingeniali mei pene nulla est scientiola; ipsius de quo locuturus sum, intercedentibus meritis, Spiritus sancti adsit mihi gratia.

(1) Aliud ms. generatione.

(2) Ms. al. licet.

(3) Non placet hæc etymol. Nomen id e Teuton. lingua, sive Sacambrica, qua Franci veteres usi, formatum. De eo in fine Quæstionum Hubertinarum Joan. Roberti Arnoldus Bocopius noster, qui a 'Ru, quod auitem significat, et bært sive beart quod in-

B 2. In primis autem dicendum est quare Robertus sit vocatus; non enim sine divina dispensatione tale sortitus est nomen. Dictus namque Robertus, quasi roboratus, vel robore certus (3). Re enim vera roboratus erat, quia hunc nimirum Spiritus sanctus ad bene semper agendum roborabat. Certus etiam robore fidei fuit, et in sancta religione ad finem usque perseveravit. De quo non indigne religiosus quidam metri canorus ait:

*Si quæris scilicet, similis non invenietur.  
Qualis quantus erat, fructu testante docetur.*

3. Hic itaque Robertus, jam plurimos annos indecessus prædictor, non solum adjacentibus, verum etiam exteris nationibus verba Dei distribuerat, cum ingravescente corporis ejus infirmitate, aliisque ægritudinibus pristinis, cœpit repente destitui viribus. Denique apud Fontem Ebraldi cogente necessitate infirmitatis, in lecto suo recubans, omnes fratres in eodem loco habitantes ad se vocari præcipit. Omnibus (4) celeriter congregatis, ait: « Ecce, filii

*dole præditum, deducit; ut sit quasi natura quietus: vel a Rot sive Root, rubro' quasi ruber aut rusus dicitur: vel a rot, turma aut ordine, quasi indole ad militaria contubernia propensus. Alii aliunde dœunt. Non est saltem Latina vox.*

(4) Aliud ms. quibus.

mei charissimi, quos in Evangelio genui, corporali pulsatus incommodo, viam universæ carnis ingredior. Quapropter deliberate vobiscum, dum adhuc vivo, nrum permanere velitis in vestro proposito; ut scilicet, pro animarum vestrarum salute, obedientis ancillarum Christi præceptio. Scitis enim quia quæcumque, Deo cooperante, alicubi ædificavi, eorum potentatui atque dominatui subdidi. Si vero cum illis remanere, sicut cœpistis, non vultis; do vobis licentiam, cum meo tamen consilio, alterius religionis. » Quo auditio, pene omnes unanimi voce dixerunt: « Absit hoc, charissime pater, a nobis, ut unquam eas relinquamus: quoniam, te teste, nullatenus melius alibi facere possumus! Absit hoc, inquit, a nobis, ut consilium tuum relinquamus! imo stabilitatem atque perseverantiam Fontebralensi Ecclesiæ, coram Deo et sanctis ejus, in manu tua omnes unanimiter atque spontaneè premitimus. »

4. Concordata itaque fratrum ac sororum nostrorum taliter congregations, voluit posteritatis suæ utilitati providere, divina, ut opinor, edictus inspiratione. Nam paucis evolutis diebus, cum quotidie ureretur febrium ardoribus, nonnullos episcopos atque abbates ad se mandavit, et quod consilium quoddam petiturus esset, per nuntios notificavit (5). Et quoniam eodem tempore Pictavensis Ecclesia proprio viduata patrono (6), sub Willhelmo principe laborabat, præcepit ejusdem Ecclesiæ ad consilium suum nonnullos accersiri primates. Tandem coadunato religiosarum atque nobilium personarum conventu non modico, aperuit ei consilii sui rationem, pro qua tantam coadunari fecerat multitudinem. « Sentio, inquit, fratres mei, finem meum immicare, et idcirco vos mandavi quatenus vestro consilio possim Ecclesiæ nostræ profectui de abbatissæ electione salubriter providere. » Cui omnes unanimiter, reverenter dixerunt: « Tuum, charissime Pater, super hac re potius tenendum est consilium, præsertim cum pro certo sciamus, inter cæteros nostræ ætatis mortales tuum vigere consilium. Te enim donavit Deus mundo consiliatorem animarum, et eo ipso opitulante, facilissimum est tibi, consilium præbere successuræ vitæ tuorum. »

5. Tunc ait ad eos: « Scitis, dilectissimi mei, quod quidquid in mundo ædificavi, ad opus sanctimonialium nostrarum feci, eisque potestatem omnem facultatum mearum præbui, et, quod his magis est, et me et meos discipulos, pro animarum nostrarum salute, earum servitio submisi. Quamobrem disposui, cum vestro consilio, huic congregationi, donec sum superetes, abbatissam ordinare, ne forte, quod absit! post obitum meum aliquis præsumat huic meæ definitioni contradicere. Et id-

(5) Hæc, usque Sentio, aberant ab editione Cosnierii: quæ tamen ipsem milii scripsit se in aliq. ms. reperisse.

(6) Petro scil. qui multa a Willhelmo duce per-

A circa Sapientis juxta monitum, volo omnia cum consilio facere, ut post factum possim non penitere (*Ecclesi. xxxii, 24*). Qui enim sine consilio majorum opera sua agit, indiscretum se esse ostendit. Unua quæro a vobis, utrum de conversa laica abbatissam mihi liceat instituere? ut dum factum fuerit, detrac-tores (si qui fuerint) authentica nostra (7) auctoritas compescat. Scio enim hujus ordinis dignitatem, scio virginem exigere. Denique scriptum est quod qui virgines custodit, virgo debet existere. Sed quomodo poterit qualibet claustrensis virgo exteriora nostra convenienter dispensare, quæ non novit nisi psalmos cantare? Quid enim rationabiliter cantavit terrestria, quæ semper consuevit operari spiritualia? Quo, inquam, modo pondus practicæ portabit vitæ, quæ non novit nisi gaudia theoriae? Qua ratione de exterioribus lingua illa respondebit, quæ a pueritia loqui cum Domino orando, cantando, legendo constievit? Difficillimum etiam, ut cogatur temporalium rerum tunicam jam exutam reinduere, quæ lotos pedes cœngaudet se jam habere. Legi enim quia sapiens mulier domum suam ædificavit; insipiens vero ædificatam destruit (*Prov. xiv, 1*). Quam ob causam nolo alicui claustrensi virginis prælationem istam committere, ne forte videar (quod nunquam fiat!) quæ ædificavi, destruere, quippe cum quod cooperante Deo ædificavi, argui potero, si scienter nescienti hanc curam commisero. Eligatur itaque, si placet, sagum cilicinum, quod tabernaculum Domini undique cooperiat, et exteriorum rerum tempestates viriliter sustineat: ut coecus perfecto colore interius rutilare valeat (*Exod. xxvi, 7*). Liceat Mariæ cœlestibus continuo inhiare, et eligatur Martha, quæ sciat exteriora sollicite ministrare (*Luc. x.*).

6. Quo auditio, seniores qui aderant, assensum præbuerunt, atque omnia quæ dixerat, vera esse affirmaverunt. Et ut hæc magistri Roberti sententia firma et inviolabilis in perpetuum haberetur, interfuit huic consilio quidam archipresbyter Andegavensis, vir bonæ conversationis, affirmans quod, dum quondam Romæ esset, audivit dominum Urbanum papam (scilicet qui Roberto nostro officium prædictoris injunxerat) concedentem, ut quædam matrona, quæ quatuor viros habuerat, pro tempore et necessitate cujusdam ecclesiæ, abbatis fieret. Noverat sane vir vitæ venerabilis quia quod humanæ fragilitatis nostræ necessitas ea. va fide compellit, divina pietas suam tenens ubique temperiem non punit. Quo cognito, senatores illi lateti sunt, et quia vir prudens prudenter vellet agere, universaliter dixerunt. Postquam autem venerabilis concio finita est, solertis viri consilium laudando confirmarunt, ac duoliciter ab eo cum gaudio ad sua remearunt.

pessus, in exilio sancte obiit, ut Malmesbutiensis et ex eo alii tradunt.

(7) Aliud ms. ut monuit Cosnierus, vestra, et fortasse melius.

## CAPUT II.

*Petronillæ abbatissæ electio, B. Roberti statuta.*

7. Transeunte autem septimo mense, in quo prædictus senatus coadunatus fuerat, et appropinquante jam fine Octobr., v Kalend. Novembr. quod a memorato senatu quæsierat, alumnus noster non sine religiosorum virorum complevit consilio. Elegit itaque ad tanti honoris dignitatem Petronillam de Camiliaco (8), quæ relictis paternis rebus, ejus discipula fuerat, a conversationis sua pene initio, præcedente tamen nonnullorum sapientum sano consilio, dicens : « Dignum quippe mihi videtur, ut quæ portavit mecum laborem peregrinationis et paupertatis, portet etiam pondus qualemque consolationis nostræ et prosperitatis. Licet enim monogama fuerit, cogente tamen necessitate, nulla mihi convenientior videtur huic prælationi. Novit enim præ ceteris donaria nostra, et juxta Apostolum abundare, et penuriam pati (Phil. iv, 12). Scit enim sapientibus tempestivum responsum dare, scit et idiotis opportune descendere. »

8. Postquam vero quod fecerat doctor egregius, deforis auditum est, non solum fratres nostri (9), verum etiam sæculares, hujuscemodi electionem laudaverunt. Demum etiam postquam electio facta fuerat ad notitiam ejusdem Petronillæ, longum est disserere qualiter fugere voluerit, vel quibus modis suam electionem detrectare tentaverit. Timebat namque non irrationaliter (quod timendum erat) tanti status honoris inæstimabile onus suscipere. Metuebat ex una parte, utpote sapiens mulier, suam imbecillitatem. Considerabat ex altera parte inæstimabilem ipsius prælationis magnitudinem. Quid plura? Licet multum repugnans, tandem, annuente Deo, suorum precibus convicta, vel, quod verius est, magistri Roberti obedientia constricta, acquievit. Multa etiam sunt relatu digna, que de ejus conversatione possem narrare. Sed quia filium ejus, quamvis indignum, me esse confiteor, tacco interim; ne, quod absit! caput ejus, adulacionis oleo judicer impinguare. Electione itaque charissimæ matris nostræ, communi religiosorum virorum consensu hoc modo perpetrata, unusquisque remeat ad propria.

9. Dehinc non longo post tempore cum æpedi-  
ctus Robertus cœpisset, propitiante Deo, ex infirmitate sua aliquantulum meliorari, studuit electionem quam prædiximus, Girardi (10) venerabilis Engoliensem legati auctoritate firmari; qui non so-

A lum factum solertis viri ex sua parte concessit, verum etiam, quod majus est, privilegium Paschalis Romæ papæ, missis suis nuntiis, de electione, quam Robertus fecerat, haberi fecit. Hinc factum est ut Robertus noster generale præceptum abbatissæ, quam elegerat, dedisset, ut nunquam aliqua ex claustris in Fontevraldensi monasterio abbatissa fieret (11). Noverat sane vir sanctus quod multæ Ecclesiæ sunt dissipatae propter incuriam et imperitiam abbatissarum, quæ in claustris sunt educatae. Et, ut hoc præceptum a successoribus inviolabiliter servaretur, litterarum custodia traditum est, inter reliqua ejus mandata, quæ scripta sunt apud Fontem Evraldi, et usque in hodiernum diem servantur.

B 10. Dedit namque eremitarum lucerna, memoratus scilicet Robertus, genti suæ religiosæ quædam præcepta, ut videlicet tam viri quam mulieres unanimiter custodirent religionis suæ sanctitatem, in locutione, in actu, in vietu, atque vestitu. Sciebat revera vir omni ore laudabilis quia vana est religio, quam assidue comitatur immoderata locutio. Sciebat etiam quia frustra quis se habere fidem gloriat, nisi eamdem fidem bonis actibus inseparatur, nam, Jacobo teste apostolo : *Fides sine operibus mortua est* (Jac. ii, 20). Legerat etiam vir benignus. *Bonum est carnem non manducare* (Rom. xiv, 21). Et ideo voluit se et suam familiam a Teili edulio pro Dei amore abstinere. Noverat denique quam vilis tunica contemptum mundi demonstrat, et ob hanc causam, et se et suos sibi subditos vilioribus indumentis vestiri volebat. Dicebat enim nobis illa vestimenta omnibus religiosis posse sufficere, quæ frigus humanæ fragilitatis possent expellere, non quæ corpus quandoque moriturum possent ornare; quod sine dubio reprehensione dignum est et sæculare. Hæc tamen regula de vestimentis ab eo constituta est in nostra religione; ut juxta S. Benedicti magisterium, neque fratres, neque sorores nostræ inculparentur de nativo vestimentorum colore, vel grossitate, aut latitudine (Reg. lv). Si quis vero hæc mandata ad plenitudinem nosse desiderat, apud Fontem Evraldi, ubi tam pro amore tanti viri quam pro magno munere scripta sunt, humiliter requirat.

## CAPUT III.

*Pax inter dissidentes reconciliata, B. Roberti opera, nova canonica ædificata, visitata.*

11. Hic quidem, dè quo loquimur, Robertus non-

innocent. Il stetit. Hæc gesta minimum anno pro ante mortem Paschalis II sub exitum nempe an. 1116.

(11) Notat tamen Nicquetus, post Petronillam non nisi duas ord. præfetas abbatissas, quæ non a prima ætate Deo virginitatem in monasterio vovissent. Duæ illæ fuerunt, Mathildis, quam supra diximus Heinr. I Angliæ regis filio despontam; et Maria, Theobaldi Magni Campaniæ com. filia, Eudonis II, ducis Burgundie vidua, quæ fuit VII abbatissa.

(8) Ab aliis Chemiliaco appellatur, ut supra ex Nicquette diximus.

(9) Ideo in archivò Ord. ut l. i, c. 28, citat Nicquetus, « Dei gratia, omnium electione Mater effecta » dicitur, itemque « Petronilla electa a M. Roberto, et constituta abbatissa, communi voluntate et petitione tam sanctimonialium quam religiosorum fratrum. »

(10) Fuit hic Girardus, ut superius innimus, Paschalis II tempore, legatus apostolicus, vir præclarus, sed postea obstinate a partibus Anacleti contra

nalla habitacula in diversis provinciis, cooperante Deo, ædificaverat, in quibus sanctimonialium cohortes, divine religione in Fontevraldensi claustro probatas, juxta locorum competentiam includebat, atque ad earum servitium aliquos ex fratribus nostris destinabat. Hæc autem erat præterea illius inflexibilis consuetudo, ut ubicunque cœnobia sanctimonialibus suis ædificare fecerat, in honorem S. Mariæ semper virginis ea construeret. Et quia S. Joannes evangelista eidem Virgini, præcipiente Christo, quoadusque corporaliter in mundo conversata est, devotus magister (12) diligenter servivit, decrevit vir prudens ut fratrum oratoria in ejus venerationem dedicarentur; quod non sine divina inspiratione factum fuisse existimo, ut quem videlicet exemplum serviendi sponsis Christi fratres haberent, eumdem suorum oratoriorum patronum esse gauderent. Nec tamen talia dico, quod velim nostrum servitium equiparare delectabili Joannis obsequio, credens procul dubio quod ea excellentissima Virgo juxta filium suum in cœlo posita, sola est sine exemplo.

12. Illa vero habitacula, in quibus vir memorabilis oves Dominicæ cum consilio adjacentium pontificum includebat, more boni pastoris frequenter visitabat, ut si aliquando, diabolica suasione, aliqua vitiorum fomenta pullularent, ea pro posse suo radicitus extirparet. Contigit autem ut daretur ei quidam desertus locus inter Galliam, concedente Ludovico (13) Francorum rege, qui nunc usque Alta Brugeria (14) vulgariter nuncupatur. Despiciebat revera intra castella, vel vicos, conventus suæ sanctæ religionis habere, nimirum aperte cognoscens proposito sanctæ religionis talia nocere. Ædificato vero loco, infra paucos annos, de quo nobis sermo est, misit ante se ad eumdem locum per Petronillam abbatissam nostram, quam ipse elegerat, aliquas ex sororibus nostris, propter quas maxime locus ædificatus fuerat; quas idem vir vita venerabilis usque studiose sine mora subsecutus est.

13. Quadam die in territorio Carnotensi ad vicum Bonævallis, in quo quædam monachorum abbatia erat (15), hospitalitatis gratia convenierunt, eodem tempore qno Carnotensem episcopatum regebat Yvo (16), qui adeo pro quibusdam causis cum Bernardo (17) hujus Bonævallis abbate discordatus fuerat, ut propemodum irreconciliabilis esset eorum discordia; nam multæ religiosæ personæ eos multoties pacificare tentaverant, nec tamen inter illos pacem reformare convalescebant. Postquam vero pius

(12) Aliud ms. minister.

(13) Sextus is fuit illius nominis, ut ante dictum.

(14) Al. Altam Brueriam vocant, Gallice Haute-Brugere. Distat viii leucis Lutetia. Isthic Bertrada a Philippo rege dimissa, pie vitam finivit. Calixtus II in bulla, qua ordinem anno 1119 confirmavit, ita de hoc monasterio loquitur apud Nicquetum c. 31: « Confirmamus closum Auberti, ex dono Lodoici regis Francorum, locum Alta Brueria ex dono prædicti regis, et Bertreæ novarcæ ejus, de cuius dote erat. »

A magister tantam discordiam invitus audivit; discordantibus illis valde condoluit, atque qualiter eos pacificare posset, apud se cogitare ceperit. Premisit ergo ante se per Angardim religiosam monacham, quæ Fontis Ebraldi tunc priorissa erat, sanctimoniales suas ad locum destinatum; ipse vero consociato sibi Bernardo abbate religioso (18), atque Petronilla abbatissa sua, propter prædictæ discordie reconciliationem festinat, accurrat Carnotum. Dolebat etenim vir pacificus magistros Ecclesie, detestandæ dissensionis libertati infideliter subjacere, et ut verum fatear, postquam prudens concionator charitate conductus Carnotum advenit, licet multum laboravit, non solum tamen illam dæmoniacam discordiam funditus dissipavit, verum etiam, quod B multi jam incredibile suspicabantur, in antiquam amicitiam illos restituit.

14. Pace vero inter magistros Ecclesie sanctæ reformata, appropinquate Dominica Nativitate, superdictus discordiæ mediator ad Alta-Brugeria locum, de quo paulo ante mentionem fecimus, perirexit; ibique Dominicam Nativitatem cum dilectis sibi filiabus, quas non longe ante ad eumdem locum per Angardim (19) transmiserat, celebrans, in jejuniis assiduus, in orationibus præcipuus, in lectione insatiabilis, pernox in vigiliis, superabundans in lacrymis, in doctrina admirabilis, quot modis semet pro Dei in ara cordis immolaverit, vel quem fructum in domesticis suis, sive in confluentibus ad eum turbis, Domino acquisierit, nunc usque, ut reor, certis mortalibus manet incognitum.

15. Peracta denique in eodem loco cum summa reverentia, Dominicæ Incarnationis præclara festivitate; dispositaque interius et exterius ejusdem loci Dominici ovilis societate, iterum Carnotum rogatus advenit. Defunctus quippe jam fuerat Carnotensis antistes, quem superius prænotavimus, et in loco ejus, communis clericorum electione, alius intronizatus. Tanta autem seditione inter clericatum et comitem illus civitatis versabatur, ut etiam nonnulli canoniconum amissis facultatibus suis, jussu comitis membratim trucidari timerent. Convenerant hujus rei gratia Carnotum nonnullæ potentes personæ. Convenit denique abbas Bernardus (19) bonorum omnium memoria dignus, cuius laus usque hodie per omnes Galliæ Ecclesiæ. Sed omnino inutiliter; nec illam dissensionem jam sedare poterant, immo instigante omnium bonorum hoste, quotidie augmentabatur. Deprædatus etenim jam fuerat ejusdem urbis princeps canoniconum domos, eosque in

(15) Ordin. Benedict. ea est abbatia.

(16) Celebris Ivo Carnotensis doctrina et sanctitatem, cuius varia existant opera.

(17) Aliud ms. Bernerium vocat, ut monuit Cosnierius, itaque scripsit Nicquetus n. 31.

(18) Hic est ille abbas Tironensis, ut hic idem scriptor tradit.

(19) Al. Augardim. Quæ sequuntur, usque ad num. 26 deerant in Cosnieri editione, sed postmodum eo procurante submissæ ex alio ms.

claustro suo incluserat : et, quod dictu quoque nefas est, præclarum illum virum, Gausfridum nomine, quem clerici in loco defuncti in pontificalem cathedram canonice inthronizaverunt, ab urbe fugaverat.

16. Sed quid moror? Jam canonice ipsis sola spes post Deum in nostro Roberto restabat : unde factum est ut missis legationibus suis præstantiam illius cum omni supplicatione postularent. Noverant sane canonici quia tantam gratiam dederat Deus viro, de quo loquimur, ut quod alii impossibile penitus erat, hoc per illum ille, cui omnia possibilia sunt, operari dignaretur. Ille autem maxima infirmitate detentus, cum interrogatus foret utrum Carnotum venire posset, omnia sibi possibilia esse usque ad mortem, respondit. Quo veniente, quam vere Dei famulus fuerit, etsi taceat lingua nostra, exitus tamen gestæ rei aperte manifestat. Tantam namque gratiam Dominus ei contulerat, ut eum non tantum religiosi quique venerarentur, sed etiam reges et principes ejus imperio libentissime obsequerentur. Dignum quippe erat ut creatura diligenter illum, quem a Creatore diligi per operum indicia non dubitabat. Hic ad utrosque secundum sapientiam sibi a Deo tributam loquens cooperante gratia Dei, totam illam machinationem diabolicam a fundo extirpavit. Nam per ejus monitum, prædictæ urbis comes clericis universa quæ abstulerat, reddidit, et Gaufridum illum (20), qui ad episcopatus regimen canonice electus fuerat, ejus electioni acquiescens, ad urbem redire concessit, atque (quod dictu quoque dilectabile est), in anteriorem familiaritatem canonice copulavit. Credo namque quia hoc mortiferum homicidium per dilectum sibi Robertum ob hoc Dominus extinguere volebat, quatenus nescientibus fieret cognitum, quanti meriti Robertus noster apud eum foret. Quæ vero, vel quanta beneficia sæpedictæ civitati in illis diebus per servum suum dignatus sit Dominus præstare, meæ non est possibilitatis indagare. Hoc tamen referre juvat, quia Simoniaca hæresis, quæ Carnotensem canonicorum basilicam diutissime fœdaverat, concedente Gaufrido episcopo, cuius vita nostra quoque ætate suavissime redolet, atque concedentibus a majore usque ad minimum ejusdem cœnobii canonice, in perpetua damnatione per Robertum nostrum extincta est. Et ut haec pestis execrabilis in eadem Ecclesia in sempiternum omnino damnaretur, votum quod fecerunt, iuramento firmaverunt.

#### CAPUT IV

*Captivi visitati a B. Roberto, latrones benignitate definiti, Ursani et in Dolensi abbatia gesta.*

17. Carnotensibus itaque pacificatis, fidelis verbi

(20) Hic est Idonis successor. In Vita S. Guillelmi 10 Februar. c. 3, num. 12, vocatur « vir virtutis, plenus spiritu consilii et fortitudinis. »

(21) Blesæ seu Blæsa urbs est ad Ligerim, supra Turones, de qua in Vita S. Aigulphi abb. Lirinensis 3 Septemb. : « Castrum Blesense in latere cuiusdam situm est montis, cui contiguum est littus

PATRI. CLXII.

A Domini dispensator Carnotensem urbem, nunquam ad eam postea remeaturus, reliquit, conjunctoque sibi Bernardo Tyronii abbate venerabili, cuius societas semper sibi gratissima fuerat, ad castellum, quod populariter Blesis (21) dicitur, ambo insimul pervenerunt. In eodem vero castello Guillelmus (22) Nivernensis religiousus comes incarcерatus tenebatur, eo quod Ludovici regis Franciæ partes pro pace tenuenda adversus Carnoti comitem ipse tueretur. Hic etiam Guillelmus exigentibus vitæ suæ meritis utriusque charus habebatur. Apparet profecto quantæ honoriscabilis tunc dignitatis consul ille fuerit, quem visitare in carcere duæ istæ columnæ Ecclesiæ sanctæ veniebant. Qui adeo confortatus suisse narratur, ut diceret : *Quis non gaudeat se diu incarcerari, ut a talibus viris possit visitari?* Hæc idcirco dixerim, ut ostenderem quod Robertus noster non segnitiei vacabat, sed modo juxta evangelicum præceptum incarceratos visitabat, modo et discordantes ad pacem revocabat. Visitato itaque sibi dilecto comite, atque plusquam carceralis poena exigebat, confortato, duo illi visitatores nunquam posthac in vita sese visuri, inseparabiliter, ut ita dicam, sunt separati; inseparabiliter namque separati sunt, quia quos charitas jungit, terrarum intercapedo non dividit. Perfecte etenim charitatis indissolubile est vinculum, quoniam, ut B. Augustinus dicit : « Charitas, quæ dividi potest, nunquam vera fuit. » O si possent modo cognoscere isti, quod se deinceps in hac mortali carne non viderent! Credo plane quia aut vix, aut nunquam viventes in carne a se recedent, præsertim si obitum suum tam propinquum esse cognoscerent.

18. Abbas autem Bernardus tunc ad propria repedavit. Pastor vero noster ad Bituricensem provinciam, talentum sibi creditum multipliciter dispensando, iter suum direxit. Nimirum sciebat vir providus quia quantoscunque aliquis suo ædificaverit exemplo; pro tot tantisque, in die judicii, retributionis mercedem accipiet a Domino. Sicut enim fertile apiastrum examina sua circumquaque dispergit; sic piissimus Pater noster melliflua sanctimonialium agmina ex Fontevraldensi claustro aliis locis disperiebat. Ex hoc itaque venerabilium apum mystico apiastro, olim Bituricensi pago quamplurimas sororum nostrarum distribuerat, et in loco, qui Ursanus a populo dicitur, preparato primum ligneo claustro, locaverat, quarum etiam amore easdem partes catechizando sine dubio nunc visitare parabat

19. Sed si unum quod ei in itinere contigit, recitare volumus, quantæ patientiæ, quantæque sanctitatis ipse fuerit, successoribus nostris manifeste

Ligerici amnis, idemque Liger perinde præterlabens præter piscium copiam, quam illi loco solemnius cæteris exhibet, aliarum quoque frugum, vini scilicet et rei frumentariae, cæterarumque humanæ necessiarium naturæ, magnam præstat gratiam. » Gallice *Blois* appellatur.

(22) Tertius hic erat illius nominis Nivernensis

notificabimus. Nam sicut quidam ex fratribus nostris, Petrus nomine, sacerdotali præfulgens dignitate, verbo et vita fideli, qui eo tempore cum eo aderat, nobis retulit; cum cœptum iter peragerent, quadam die inciderunt in latrones: qui secundum morem suum, maligno spiritu repleti, non solum bestias sodalium ejus abstulerunt, cæterum etiam (quod gravius est), illud jumentum, in quo mittissimus ille sedebat, per freni lora arripuerunt, illumque contumelii affectum ad terram deposuerunt. Ille vero, ut erat benignus, columbina voce coepit eos pie increpare, et ut se a latrocino cibherent, blandis sermonibus exhortabatur. Credo certe misericordem virum plus doluisse de eorum perditione, quam de sua, vel sociorum disturbance.

20. Petrus vero socius ejus, quo narrante hoc dico, non ferens æquanimiter quod factum fuerat de magistro, locutus est talibus verbis ad prædones: « Dicite, miseri, ubi fugietis? qui talem ac tantum virum disturbare non timuistis? Pensate, quæso, pensate quanta reverentia sit sanctis viris exhibenda, ut sic saltem desinat inimicari recordia vestra. Nam, ut sanctæ dicunt Scripturæ, viri sancti templo Dei sunt. *Templum enim Dei*, ait Apostolus, *sanctum est, quod estis vos* (*I Cor. iii, 17*). Quapropter, dum Sanctus quilibet ad iracundiam excitatur, constat nimurum quia ejusdem templi inhabitator Deus ad vindictam provocatur. Desinat ergo furia vestra, et quod fecistis malum contra sanctum Dei, deleat fructifera pœnitentia. Nunquid non scitis hunc hominem, quem modo de caballo injuste depositis, Robertum esse de Arbrissello, cuius odor suavis redolet in universo mundo? Auditio vero Roberti nomine confestim turba latronum timore perterrita, ad pedes sancti viri provoluta est, indulgentiam deprecative postulando. Ipse vero eorum pœnitentiæ congaudens, eorumque petitioni æquo animo condonans quidquid circa eum male egerant, elevavit eos a pedibus suis, atque benigne deosculatus est. Quibus non solum veniam quam flagitabant, imperavit; verum etiam, quod illi propter peccatum suum minus merebantur, totius beneficii sui illos participavit.

21. O virum ineffabilem, admirabili pietate exuberantem, quem nec prosperitas, opitulante Deo, decipit, nec adversitas superavit! Cum enim, sicut scriptum est: *Doctrina viri per patientiam noscatur* (*Prov. xix, 11*), patet profectio, quantæ patientiæ, quantæ excellentiæ in doctrina Robertus iste fuerit, qui eo modo quo diximus, etiam inimicos suos remuneravit. Fensemus, si possumus, quantæ dilectionis fervore vir iste felicis memoræ, amicos suos diligebat, qui juxta Dominicum præceptum,

comes, qui sub finem vitæ Carthusiano ord. se mancipavit, et quidem in gradu et conditione conversi, ut vocant: sed tirocinii tempore mortaus est 20 Aug. 1448. Ita Nicquet.

(23) Dolensis monasterii, præter Clau. Robertum, meminit Massonus lib. De illuminibus Gallie, qui si-

A etiam adversariis suis tanta beneficia ultroneus impendebat. Cum enim dicat Scriptura: *Non contristabit justum, quidquid ei acciderit* (*Prov. xii, 21*), inquit patenter, in quanto justitiae culmine vir iste fuerit, qui nec provocatus injuriis, nec pro amicis, a recto itineris tramite deviavit. Licit mibi, fratres, dicere virum hunc in hoc facto S. Samueli fuisse comparabilem, qui in invicis suis volens reddere vicem, pro ipsis se promisit facere orationem (*I Reg. xii, 23*). Non enim discrepabat ab illo qui ait: *Cum his, qui oderunt pacem, eram pacificus* (*Psal. cxix, 7*). Quid ergo nos miseri in ejus congregatiōne ante Deum dicturi sumus, qui nec amicos, sicut debemus, amamus?

B 22. Postquam autem pacis amator ab inimicis pacis quondammodo pacifice discessit, ad locum Ursani, ad quem tendebat, non sine antecedente fidei dispensatione, pervenit. Quo in loco circa quindecim dies cum dilectis sibi filiis et filiabus commoratus, lectio et orationi, atque prædicationi, cæterisque virtutum exercitiis indefessus vacabat. Exspectabat enim ibidem Petronillam abbatissam, quæ a Fonte Evraldi ad eum venire debebat. Qua veniente, placuit illi ut ad exteriora loca, prædicationis utilitate exiret; rogaverant enim eum quidam populi prædicationis illius verba, non mediocriter famelici, et eis prædicationis sanctæ beneficium impertire dignaretur. Ipse vero piis eorum precibus acquiescens, eorumque desiderabilem famam, cooperante Deo, satiare desiderans, cum jam cœptum iter ageret, consociata sibi Petronilla aliisque nonnullis, quadam die apud Dolensem (23) abbatiam hospitalitatis gratia pervenit. Quem monachi ejusdem conobii lati suscipientes, hospitalitatis jura ei honosse præbuerunt, ut eorum animos prædicationis sanctæ pabulo resicere dignaretur, humiliime postlavarent.

D 25. Quorum precibus largus Domini seminiversius commotus, altera die cum quibusdam ex suis sociis in capitulum monachorum ingressus est, ubi ultimum sermonem, quem ad populum facturus erat, prolixe faciens, quam dulciter, quam pie, quam misericorditer, quam devote, quam prudenter, quam charitable, quam simpliciter, quam discrete, audatores suos arguendo, obseorando, incorepando, declinare a malo et facere bonum ipse docuerit, etiam illi qui interesse meruerunt, fatentur se narrare non posse. Sed quid mirum, si hoc sermocinium tam excellenter implevit, per quem Deus tot et tanta sermocinia, pene incomparabilia, testantibus illis qui audire meruerunt, mundo præbuerat? Tantam namque prædicationis sanctæ gratiam ei Dominus donaverat, ut cum communem sermocinationem

tum ait ad Angerem flumen, sive Angerim, Andram quibusdam dictum, Gallice *Indre*. Itæ vicus Dolensis est in Biturigum finibus, et vulgo *Deols*, vel *Bourg de Deols*, aut *Bourg-Dieu*, seu *Bourg-Dol*. Est autem ordinis Benedictini.

populo ficeret, unusquisque quod sibi conveniebat, acciperet. Non erat ejus prædicatio inefficax, sed in tantum audientium corda conterebat, ut patenter daretur intelligi quis esset illic. Nimirum Spiritus sanctus aderat, sine cuius auxilio sermo doctoris exterius frustra laborat. De quo etiam scriptum est: *Non enim vos estis, qui loquimini: sed Spiritus Patris vestri* (Matth. x, 20). Postquam autem sermonem illum finivit, eosdem monachos, qui quamdam querimoniam adversus Fontis Ebraldi Ecclesiam habebant, secum omnino in eodem loco pacificavit, nec non etiam quemdam principem illius terræ, Alardum nomine, concordavit cum illis.

## CAPUT V.

**B. Roberto suprema ægritudo, susceptum viaticum, et sacra unctione.**

24. His itaque peractis, Petronillam atque Angardim Fontis Ebraldi procuratrices, quæ cum eo erant, visitatum fratres atque sorores ire commo-  
nuit: atque ipse cum (24) Andrea capellano suo ad populos, qui ejus prædicationem, sicut superiorius diximus, avide desiderabant, et desiderantes multis precibus postulabant, perrexit. Eadem autem die, qua ipse a Dolensi monasterio recessit, quæ esse sexta feria habebatur; in ipso itinere cœpit de jumento suo sèpius descendere, et quod multum infirmaretur, sociis suis manifestare. Cui cum illi dice-  
rent: « Charissime Pater, revertere, quæsumus, re-  
vertere, ne pejus graveris ab infirmitate, » aiebat: « Nolite, filii, nolite mihi talia dicere: sed camus usque ad oppidum, quod Graecicum (25) dicitur, ut, eum audierint populi, quibus meum adventum promisi, me illuc venisse, si cœptum iter non potero facere, saltem credant quia necessitate cogente reversus sum. » Venientes autem ad supradictum castrum, in eodem hospitati sunt.

25. Altera autem die, Sabbato scilicet, ita præ-  
gravatus est didascalus noster ab infirmitate, ut jam omnino non posset equitare. Quod cum ipse semi-  
ret, ait collegis suis: « Præparate mihi, charissimi mei, quoddam ligneum feretrum, et reportate me ad Ursani locum, quoniam scio ex hac infirmitate me moriturum. » Quod postquam agnovit hospes ejus, ait ei: « Noli, quæso, magister, quod dicis facere: sed potius hic requiesce, quousque videas si poteris ex hac invaketudine convalescere. » Ipse vero quasi privatum dicebat sodalibus suis: « Quidquid alii dicant, nolite curare: sed quod vobis præcepi, prope-  
ranter facite. » Apparet profecto quod sentiebat obitum suum imminere: sed ne sua gens pro cor-  
pore suo laboraret, volebat ad Ursanum redire, dum vivus erat. Præparato itaque sicut præceperat, ligneo feretro, ad castellum, quod Issoldunum (26) dicitur, eam apportaverunt, ibique hospitati sunt. Hospes vero qui eum suscepit, cœpit eos multis modis ro-

(24) Quomodo si Andreas Vitæ hujus scriptor est, et hujus itineris B. Roberto comes fuit, ea quæ habentur cap. præcedenti n. 20 ait se « Petro nar-  
rante didicisse, » cum ea ipsem spectasset?

A gare, ut apud eum concederent infirmum suum impensare. Quod ubi ad aures magistri Roberti pervenit, vocatis sociis suis, ait illis: « Nolite, filii, hospitis nostri consilio acquiescere, sed, sicut vobis jam dixi, ad Ursanum potius me reducite. » Et quoniam ipse Petronillam et Angardim, sicut supra diximus, ad alia loca visitare Dominicanum ovile transmisserat, præsentiens finem suum appropinquare, misit post eas legatum, ut venirent Ursanum festinanter eum visitare.

26. Mane autem facto Issoldunum relinquentes, ad Ursanum (sic ipse præceperat) sanctissimum infirmum deportaverunt. Eodem namque tempore quædam nobilis monacha, Agnes nomine, Ursani prioratum tenebat, quæ illi valde oppido chara habebatur, eo quod ipsa consilio ejus, fallaces sæculi di-  
vitias, quæ sibi multum blandiebantur, reliquerat, et pro Christo paupertatem delegerat. Quæ cum co-  
gnovisset tam gravem magistri infirmitatem, quantu-  
m mœrorem habuerit non facile dictu. Quis enim referre posset, quam magnum dolorem ha-  
buerunt ejusdem loci fratres atque sorores, au-  
ditæ doctoris nostri tam gravi infirmitate? Revera enim timebant, tanto scilicet ac tali viduari pa-  
store. Advesperante autem Dominico die quo sa-  
nus æger Ursanum asportatus fuerat, cœpit ipse Fontis Ebraldi nomen pie ingeminare, dicens: « O Fons Evraldi, Fons Evraldi, tam æstimavi in te jacere! » Cui cum Andreas, fidelis collega ejus, diceret: « Pulcher magister, quid est quod dicas? Si sentis hic finem esse, saltæ fac quod tuum est, impera corpus tuum post obitum ad Fontem Evraldi portare. » Ille respondit: « Et quare meum cadaver hinc portaretur? Nam per omnes busnachias (ut verbis illius utar) ablatum esset a vobis. »

27. Alia autem die, secunda scilicet feria, rogavit sibi dari viaticum corporis et sanguinis Domini nostri Jesu Christi: quia enim longius profecturam se esse providebat, idcirco saluberrimum illud viati-  
cum humillima devotione sibi dari poscebat, sine quo viator quilibet errabundus omnino deviat. Allato autem ad eum corpore Dominicum, cœpit cum inter-  
nis gemitibus, atque profundis spiriis gratulam misericordiam ab eo petere, seque inutilem servum dicere, et in cunctis operibus suis se accusare. Verum sciebat prudens lector, quod Deus ita manda-  
verat: *Cum onnia, inquit, quæ præcepta sunt vobis, feceritis, dicite: Servi inutiles sumus, etc.* (Luc. xvii, 10). Illum quippe justum imitabatur, qui cum perfectus esset, omnia opere sua vereri se fatebatur. Gemimum etenim planctum agebat: dolebat multum de eo quod nonnunquam Dominica præcepta præ-  
terierat: pœnitiebat ex altera parte ex hoc quod omnia mandata non observaverat. Et, ut verba ejus

(25) *Grassay* Gallice vocant, aut *Graçay*, oppidum est in Biturigibus.

(26) *Issoudun* Gallice, oppidum est in eorumdem Biturigum ditione.

dicam epilogando, se servum inutilem fuisse per omnia plangebat ejulando. Postquam autem innumerabiliter se ipsum accusavit, accepta poenitentia, nihil de propriis meritis presumens, sed misericordiam assidue deprecando, Dominicum corpus accepit. Audiant hic, qui corpus Dominicum ad damnationem suam indiscrete accipere audent: ut vel sua peccata per sanctam poenitentiam, dum licet, deleant; vel certe si noluerint, tam admirabile sacramentum indigne suscipere vereantur. Aperte enim clamat Apostolus, quia *Qui manducat et bibit indigne*, etc. (*I Cor. xi, 19*). Si enim tantus ac talis vir tam timide sacrosanctum corpus Dominicum accepit, multo magis nos peccatores, tremebundi atque flebiles accedere debemus: qui etiamsi multum profecerimus, finem nostrum ejus pretio coæquare non audemus.

28. Prætereunte autem secunda feria, quia non dubitabat vir bonus exitum suum propinquum esse, voluit omnia sanctæ Ecclesiae sacramenta, utpote Christianissimus, in se suscipere. Petuit ergo devote tertia feria, ut benedicto oleo ungeretur: credens profecto apostoli Jacobi verbis (v, 15), quod scilicet per hujus operationem mysterii peccata hominibus dimituntur. Unctus autem salutifero unguento, iterum munivit sese non sine interno gemitu, corpore Dominico: nec tantummodo his duobus diebus eucharistia Christi semet munivit, sed etiam omnibus diebus, quibus in ipsa infirmitate jacuit. Sed quis poterit narrare qualiter, vel quibus modis ante corpus Domini se semper studuit accusare? Fatentur illi, qui ibi esse meruerunt, quia an unquam ante corpus Dominicum se plus accusaverit, omnino nesciunt. Nullus est, nullus enim prædo (27), nullus denique sic se accusabat latro; cum enim scriptum sit: *Justus in primis accusator est sui* (*Prov. xviii, 17*); patet profecto quod ipse justus fuerit, qui, quainvis singulari conversatione vixisset, tamen se tam multipliciter accusavit.

#### CAPUT VI.

*Sepultura a B. Roberto experta in Fonte Ebraaldi.*

29. Eadem vero tempestate Leodegarius, vir vita floridus et ætate, Bituricensis dioecesis archiepiscopatum tenebat, quem, nisi fallor, inseparabilis dilectio magistro Roberto conglutinabat: tanto namque, ut reor, amore invicem conjungabantur, ut quod unus vellet, alius vix denegaret. De hoc siquidem Leodegario multa virtutum præconia possem referre: sed quoniam (28) adhuc inter innumeratas hujus exsilli procellas, in incerto navigat, ipsa humana ignorantia, velim nolim, cogit me tacere. Nec enim omnis qui cœperit, sed qui ad finem usque perseveraverit, hic salvus erit. Huic itaque felicis memoriae Robertus nuntium quemdam transmisit, et ut eum visitare dignaretur, deprecando mandave-

(27) Cosnieri editio, *pudor*; sed postea admonuit in alio ms. haberi *prædo*.

(28) Obiit ut cl. Robertus scribit, 31 Mart. 1120, unde patet, quando scripta sit hæc Vita.

A rat. Ille vero audita ejus infirmitate festinat devotus eum visitare. Postquam autem advenit, villam ipsam suis famulis die ac nocte caute custodiare præcepit: timebat namque tanto patrono viduari, et ideo præcipiebat ipsam villulam solerter observari. Non solum Bituricensis archiepiscopus Robertum nostrum tunc visitavit, sed etiam nonnulli principes illius terræ eum curiose visitatum venere. Similiter autem et ipsi Ursani villam suam custodibus studiose munierunt, dicentes se esse beatos, si tanto mererentur decorari patrono. Quotquot autem eum visitare veniebant, ab eo utique consolatiois bravium accipiebant. Nam licet infirmus esset in corpore, studebat tamen ex more suo, circumstantibus populis salutifera prædicationis monita impendere.

30. Interea vero nuntius, qui transmissus fuerat post abbatissam, ad Podiam (29) usque pervenit: ibique eam reperiens, et cur eam sequeretur, aperiens continuo protulit, et ut velociter revertetur ad Ursanum, commonuit. Illa vero, atque Angardis quæ cum ea erat, tam tristi territe nuntio, moram habere in eundo nesciverunt, sed ante diem a Podia moventur. Tandem miseræ atque flebiles Ursanum venerunt. Venientes autem ante incolunem infirmum, exclamavit Petronilla, et ait: « Heu, bone magister! jam nullum bonum nobis amodo facies. » Angardis (30) vero quæ cum ea venerat, pie increpabat eam, dicens: « Desine, bona femina, talia dicere verba: sed magis Deum rogita ut dignetur a sanitatem adhuc præstare. Ille enim qui ei habe infirmitatem præbuit, cum placuerit, et sanitatem præbebit. » Dicebant etiam nonnulli, quod ex illa infirmitate non moreretur: ipse vero aliud affirmabat.

31. Longum quidem est per singula recitare, quomodo prudens infirmus in hac infirmitate studuerit utriusque sexus visitatores, sale condito sermone commonefacere; sed quoniam nolo lectorem meum fastidire, ad ea quæ tertia die ante finem peregit, volo transire. Quarta itaque feria ante obitum suum, jussit (31) Leodegarium vener. Bituricensis archiepiscopum, qui eum, sicut diximus, visitatum venerat, ad se vocari, et ait illi: « O charissime Pater, tu es meus archiepiscopus, meus primas ac patriarcha. Tu scis, quomodo nunc usque te semper amavi, et quomodo tibi obediens fui. Scis etiam quod propter dulcem amorem tuum in has partes primitus veni. Rogasti etenim me, ut aliquas de bonis feminis meis traderem tibi, et tradidi. Tuo monitu, atque rogatu in hanc provinciam eas transmisi. Non habebam, sicut scis, hic domos, non ulla possessiones, non agros. Præparasti eis pro animæ tuae tuorumque salute hunc locum: ædificasti eis, inspirante Deo, hoc habitaculum, quo posset facere

(29) Gallice *La Puye*

(30) Aliud ms. misit.

(31) Aliud ms. ut superius, *Angardis*.

die ac nocte Dei servitium : nullas huc adduxere possessiones, non aurum, non argentum, non denique supellectilia : acquisisti eis terras, victimum atque vestitum, ceteraque necessaria, et facto et verbo. Gavisus es multum de earum adventu, et nunc resque multis modis honorasti, et bene servasti. Ecce itaque volente Deo, ego iter omnis carnis aggredior, et jam tempus resolutionis meæ instat : nec enim melior sum quam patres nostri. Quapropter donec superest in me halitus, quādū possum loqui, commendo illias meas, et oīnia quæ illarum sunt, tuæ dilectioni, ut tu, qui eas huc venire fecisti, pie custodias, earumque curam sollicitus amodo habeas.

32. « Volo præterea amicitiæ tuæ voluntatem cordis mei dicere : volo sanctitatibz tuæ desiderium meum aperire. Appareat in fine, si vivendo unquam dilexisti : manifestum sit, si charum, ut dicebas, unquam me habuisti : non enim ignoras, quod non est vera dilectio in solis verbis, sed sancta teste Scriptura, probatio dilectionis exhibito est in operibus. *Non diligamus verbo, neque lingua, sed opere, et veritate* (*I Joan. iii, 18*). Notum igitur, charissime Pater, tibi facio, quod nolo jacere in Bethlehem, ubi Deus de Virgine nasci dignatus est, nec etiam Jerosolymis in sancto sepulcro ; nolo etiam in Roma sepeliri inter sanctos martyres, nec in Cluniaco monasterio, ubi sicut pulchrae processiones : nec tamen hæc dico, quod contemnam sanctissima loca, quæ scio ob reverentiam Dominicæ incarnationis vere amanda, recolenda ac veneranda. Omnes enim fideles debent Bethlehem sanctam magnifice venerari, quæ a prophetis laudata, Dominicæ nativitate meruit decorari. Licet enim Deus ubique sit, omnes tamen beatam Jerusalem quadam excellentia debent anundo honorare, in qua Filius Dei per mortem suam dignatus est mundum redimere. Nullus etiam felicem Romanum debet despicere, quæ tantorum martyrum pretioso purpura sanguine, sacra testante Scriptura (*32*), omnem mundi pulchritudinem excellit. Quis denique sane sapiens audeat deprimere supremum Cluniacum monasterium, ubi quotidie Dei gratia tantum sit beneficium ?

33. « Nolo postremo humari in quolibet loco alio, nisi solum in Fontis Evraldi loco. Scis enim, mi Pater, quod ego locum Fontis Evraldi omnium aliorum locorum caput constitui : ibi etiam est major pars nostræ congregati, ibi etiam fundamentum nostræ religionis. Non rogo te ut sepelias me in monasterio, vel in claustro ; sed tantum inter fraterculos meos in Fontis Evraldi luto. Ibi etiam sunt presbyteri mei, atque clerici : ibi etiam sunt sanctæ virgines, viduae et continentes, die ac nocte in Dei laudibus perseverantes : ibi sunt mei dilectissimi infirmi atque infirme : ibi sunt charissimi mei leprosi atque leprosæ meæ : ibi sunt boni socii peregrinationis meæ : ibi sunt illi, qui paupertates et labores

A pro Christo mecum diu sustinuere : ibi sunt, qui frigora et calores, miserias et tribulationes pro animalium suarum salute patienter sustinuerunt : qui ad vocem prædicationis meæ, inspirante Deo, et se et sua reliquerunt : quorum alii corpore vivunt, alii vero in obedientia perseverantes obierunt. Ibi jacet Hersendis monacha, bona coadjutrix mea, cuius consilio et opere construxi Fontis Evraldi ædificia. Ibi jacent boni filii mei, quorum precibus apud Deum confido me suffragari. Ibi dormiunt bona monachæ meæ, quarum meritis credo apud Deum adjuvari. Hæc causa est, charissime, pro qua sanctissimorum locorum sepulturam refuto, quod nimis inter parvulos fraterculos meos atque sores in luto sepeliri cupio : scio enim quod viventes desiderant ibi me jacere, quatenus in die sanctæ resurrectionis, in hac eadem carne cum illis ad judicium Dei queam ire.

B 34. « Si enim ibi sepultus fuero, et viventes eumdem locum amplius diligent, et illi, quos diabolus per inobedientiam captivat, misericordiam querere venient. Audient enim dicere, quod ego in Fonte Evraldi jaceo : et dum ad memoriam reducent, quod Deus per me eos a sæculo nequam eripuit, et quod multa bona eis per me distribuit, amore meo constricti, festinabunt ad obedientiam suam reverti. Quis enim meæ congregationis tam ferrea viscera portat, ut, dum mei perfecte recordatus fuerit, vel gemendo, vel suspirando sese non molliat ? Dum itaque ad mentem revocabunt qualiter eos semper dilexi, qualiter eos instruxi, vel quomodo doctrina sua Deus eos per me satiavit ; aliqui divina inspiratione tantis beneficiis vocati, atque penitentia commoti, ante tumbam meam misericordiam a Deo competere venient. Et quoniam sentio hoc adsutum, commendo posteritati meæ, ut nulli misericordiam hanc querenti, denegetur reconciliationis beneficium. Si autem placuerit misericordiæ Autori, ut unquam, non meis meritis, de quibus nihil præsumo, sed sola sua gratuita pietate, dignetur mihi aliquid præstare ; studebo ipsum misericordiæ fontem pro omni congregatione mea jugiter interpellare : quia ibi non est vita, ibi deest verus amor. Pro posse meo diligam : quoniam in hac vita ille non diligere potero. Scio enim quilibet sepulturam defuncto non nocere : credo procul dubio Dominum ubique auxilium, cui voluerit, posse præbere : attamen hæc, quam prædicti, causa est, quare in istis locis jacere requireo : hæc occasio est, cur in coemeterio Fontebaldensi meum cadaver inhumi jubeo. Quam ob causam, sanctitatis tuæ reverentiam humiliiter prece imploro, ut tu corpus meum sanctimonialibus nostris reddas, atque ad Fontem Evraldi usque perducas, ibique tuo sancto ore, sepulturæ meæ officium facias. Modo apparebit in finem, si unquam in vita me veraciter dilexisti. Si ergo cordialis amicus mihi fuisti, si unquam tibi

C D non diligere potero. Scio enim quilibet sepulturam defuncto non nocere : credo procul dubio Dominum ubique auxilium, cui voluerit, posse præbere : attamen hæc, quam prædicti, causa est, quare in istis locis jacere requireo : hæc occasio est, cur in coemeterio Fontebaldensi meum cadaver inhumi jubeo. Quam ob causam, sanctitatis tuæ reverentiam humiliiter prece imploro, ut tu corpus meum sanctomialibus nostris reddas, atque ad Fontem Evraldi usque perducas, ibique tuo sancto ore, sepulturæ meæ officium facias. Modo apparebit in finem, si unquam in vita me veraciter dilexisti. Si ergo cordialis amicus mihi fuisti, si unquam tibi

(32) Imo hymno de SS. Petro et Paulo.

amicus extitit, concede mihi, obsecro, quod postulavi.

35. Ille vero, nolens suam diocesim tanto thesauro spoliari, respondit illi, et ait : « Ego, charissime magister, sicut jam Iudum coepi, mente integra multum te diligo : sed hoc quod petis a me, non est totum in mea potestate, sed ex magna parte in principibus istius terrae. Tu enim cognoscis, quod locus iste sit in terra cuiusdam principis, nomine Alardi, quem etiam ipse ex magna parte aedificavit. Nolo enim tibi me casum promittere, quam postea non possum implere : sed sine me crastina die de hac re consilium accipere. »

36. Quo auditio, Andreas sacerdos dixit magistro : « Noverit dilectio tua, magister bone, quod Agnes hujus loci priorissa, poterit multum petitio-  
nem tuam aut adjuvare, aut nocere. Quamobrem obsecra eam, ut perficiat ex parte sua petitionem tuam : est enim indigena istius terrae, et Alardus fuit vir ejus, qui est dominus istius villae. » Vocavit itaque eam vir prudens et ait illi : « O domina Agnes, impero tibi obsecrando, et obsecro impre-  
rando, sicuti dominicae meae, filiae atque discipulae, ut facias quantumcunque poteris de hac re, quam ab archiepiscopo fieri postulavi. » Cui ista respon-  
dit : « Bone magister, vultis vos ut faciam illud? » Ille vero inquit : « Volo, filia, omnino, atque desi-  
dero : et tali pacto osculari manum meam tibi pra-  
cipio. » Illa vero osculans venerabilem illius ma-  
num, promisit se facere quod flagitaverat desi-  
derium.

## CAPUT VII.

*B. Roberti sub mortem preces, professio fidei, publica peccatorum sacramentalis confessio.*

37. Post haec illi qui circumstabant, cooperunt ei dicere : « O bone magister, deberes Deum rogare, eo quod sentis te morti ita propinquum. » Quibus ille respondit : « Ego certe Deum deprecari multum desi-  
dero : sed propter vos, qui me impeditis, omnino non valeo : recedite, et abite, ut saltem Deum meum amodo possim orare. » Omnibus vero egressis, co-  
pit Deum ipse humiliiter rogitare, ut pro sua pietate Romanum papam, et omnes doctores (33) suae Ecclesiae, in proposito sanctae religionis dignetur ad finem usque servare. Tunc etiam coepit hospites suos nominatim referre, et pro singulis orationem Deo of-  
ferre. Oravit etiam tunc pro omnibus benefactoribus suis, et inimicis, et pro cunctis fidibus vivis atque defunctis. Ad ultimum etiam coepit pro Willermo Pictaviensem comite, qui exigentibus suis meritis excommunicationis gladio tunc sauciatus erat, Dominum exorare, ut si ejus providentia esset, pro sua benignitate dignaretur eum ad viam veritatis revocare. Apparet profecto quam magna vir iste plenius fuerit charitate, qui ad finem usque perseveravit pro amicis et inimicis eius tanta devotione orare. Patet liquido, quod inimicos suos ut se diligebat qui

(33) Aliud ms. *sanctæ*.

(34) Ad reparandas, ut vulgo dicitur lapsorum

A eis dari illud orando optabat, quod sibi ipsi a Deo tribui cupiebat : quin etiam clarius constat, quam amicos suos sapienter amabat, pro quibus orationis munus Domino Deo dulciter offerebat. Persequamur, si possumus, qua vigilantia cætera legis mandata observabat. Quin etiam, quod gravissime esse solet, inimicis suis bona retribuebat : licet enim ipse, volente Deo in pace occubuerit, credo tamen quod martyrii palmarum non amisit. Et ne fortassis quod dico, quoquo modo displiceat, audiatur sanctam Scripturam sic affirmantem et dicentem : Martyrium non in sola effusione sanguinis, sed abstinentia peccatorum, et exercitatione mandatorum Dei persicies. Hinc rursus scriptum est : Omnia vita Christiani hominis, crux est et martyrium.

38. Postquam autem pro cuncto populo Christiano, orationes ad Dominum diutissime fudisset, cum jam ab eo pene omnes recessissent, intempestæ noctis silentio Petrum quemdam fratrem laicum, qui cum eo assidue erat, ad se vocavit, et ait illi : « Voca ad me Andream sacerdotem. » Veniente autem Andrea, dixit illi : « Affer mihi, obsecro, lignum sanctæ crucis. » Allata autem sancta cruce, de stratis suis virtute qua potuit, letabundus exsilivit, et ante crucem cum magna reverentia genua sua flexit, et quid in se de Deo sentiret, circumstantibus aperuit. Tunc confirmabatur se credere, quod Deus omnipotens, unus in trinitate, et trinus in unitate, ipsum cœlum et terram, et omnia quæ in eis sunt, imperio voluntatis suæ fecerit. Constathebatur etiam quod Luciferum, qui mane oriebatur, qui est principium viarum Dei, habentem signaculum similitudinis Dei, plenum sapientia et decore, omni lapide pretioso ornatum, in paradiiso Deus collocaverit. Resferebat etiam se credere, qualiter ille nullo suadente per superbiam suam sponte cœderet : et qualiter ad (34) restauracionem ejus, Deus hominem a limo terræ ad imaginem et similitudinem suam mirabiliter condiderit. Memorabat quomodo per invidiam diaboli in orbem terrarum mors introierit, vel quomodo fraudulentus hostis hominem de paradiiso expulerit. Revocabat etiam ad memoriam, quantas exortatis tenebras, quantasque miseras humanum genus usque ad mundi finem sustineat, pro eo quod primus homo Dominicum præceptum præteriit. His autem addebat quemadmodum humanum genus, exigentibus suis peccatis, aquis diluvii perierit : et quemadmodum Deus octo animas in arca Noe salvaverit. His adjungebat, quam gloriose Deus filios Israel de Ægyptiaca servitute liberaverit, et quam mirifice (pereuntibus in deserto mormurato-ribus) credentes in terram promissionis introduxit.

39. Dicebat etiam pronus ante sanctam crucem, qualiter Dei Filius descendens in uterum sancte Virginis, novum, sicut ille promiserat, cœlum et angelorum ruinas sive ad replenda, e quibus deturbati sunt, cœlestis civitatis spatia.

terram fecerit, vel qualiter in Bethlehem nasci, et in præsepio poni, atque vilibus pannis involvi pro nostra salute, nullis nostris præcedentibus meritis, sed sola misericordia voluerit. Profitebatur etiam quod non solum Deus homo pro hominibus dignatus est fieri, sed etiam (quod mirabilius est) circumcidit, baptizari, et jejunare. Recordabatur suspirando, quod panis vivus, qui de cœlo descendit, ut nos satiaret, esuriit; quod fons vivus, ut a perpetua siti liberaret, sitivit. Revocabat etiam ad memoriam gemens atque suspirans; quod ille qui voluntate omnia condidit, factus homo pro hominibus, derisiones et sputa, colaphos atque flagella, injurias atque vulnera, et ad ultimum crucis mortem pro hominum redemptio sustinere voluntarie dignatus est. His copulabat vir pius Dominicam resurrectionem, et ad cœlos ascensionem, atque Spiritus sancti adventum: his etiam similiter adjungebat futurum in finem sæculi iudicium, in quo Deus reddet unicuique juxta suum meritum.

40. Ad ultimum adnectebat his, qualiter Deus omnipotens ex quadam scenculo, et ex quadam pauperula muliere eum nasci fecerit: et qualiter ei postea innumerabilia bona, sine præcedentibus meritis, præbuerit. Post haec agebat omnipotenti Deo multimas gratias, pro his aliisque innumerabilibus beneficiis humano generi cohatatis gratias: reddebat etiam Deo magnificas gratias eo quod sibi, aliorum meritis, tot et tanta beneficia tribuisset:

41. Postquam autem vir catholicus suam credulitatem coram sancta cruce, audientibus illis qui ibi

(35) Hoc peccatum ejusdem generis videtur, cuius prædicta duo, quod « puerulus pulchriores cibos » sibi appositos comedenter, quodque « dum plueret, siccitatem desiderarit; » in quibus non facile culpam reprehendere queas. Nempe bouvarum mentium est, ibi quoque culpam agnoscere, ubi culpa non est. Ita referebat B. Robertus se in venenum Simoniae segnel incidisse, in ordinatione cuiusdam Redonensis episcopi. Fuerunt illius tempore tres Redonenses episcopi: Mainus, sive Meen, Silvester, Marbodus. Mainus ordinatus traditur 11 annis aut circ. ante Roberti nativitatem. Silvester vero cum forte 24 annorum esset Robertus. Quid vero tunc ut ille episcopus crearetur conserre hic potuit, tenuit in re nulla adhuc doctrin-

A erant, plenarie narravit; dehinc peccatorum suorum confessionem inaudite se accusando, publice manifestavit, dicens: « Audi, presbyter, peccata mea, quin etiam audite, cœli et terra; Filius Dei venit in mundum peccatores salvos facere, quorum primus ego sum. Ecce in iniquitatibus conceptus sum, et in peccatis enutritus, innumerabilibus modis mea culpa peccavi. » Tunc confitebatur coram omnibus se reprehendendo, quod dum esset puerulus, et comedenter cum matre, pulchriores cibos accipiebat: et dum plueret, ipse siccitatem desiderabat, et e contrario, referebat se etiam arguendo quod, dum adhuc esset sæcularis, in ordinatione cuiusdam Redonensis episcopi (35), in venenum Simoniae semel incidenter; confitebatur etiam quod Deus magnum litterarum scientiam, atque prædicationis gratiam ei gratis præstiterat. Se penitebat de eo quod talentum sibi a Deo creditum non, ut deberet, multiplicaverat. Tunc dicebat quod ipse religionem mulierum coadunaverat, quæ laborem sanctæ religionis pro Deo excellenter sustinebant, sed ipse solus earum laudem habuerat.

B 42. Ubi quidem hic locus dicendi est, si singulatim narrare vellem, qualiter ve. quibus modis coram sancta cruce sese accusaverit? Postquam autem immemorabiliter se arguendo accusavit, singula nominando peccata, omnium peccatorum suorum absolutionem a Deo humili supplicatione petiit, et ut ei finem suum in proximo donare dignaretur, post hæc exoravit. Certum quidem est quod Deus servum suum in hac oratione exaudierit; quem non longe post a vinculis carneis absolutum, a mundi hujus exsilium abstraxit.

C næ opinione, alteriusve rei commendatione? Nec id dicit, sed « in venenum incidisse Simoniae, » quia fortassis, dum illum audiret aut etiam videret ordinari, eo venerit in mentem ut enteretur ad insignem doctrinam, quo ad similem perveniret dignitatem, exigitando quibus modis principis et cleri sibi comparare favorem posset. Cum autem sub eodem Silvestro archipresbyter extirpare Simoniam tanto studio conatus sit, ut supra narratum, non est credibile ubi Marbodus antistes est creatus, cum ulla ratione talis contrahere culpam potuisse. Et fortassis ipse tunc Redones reliquerat, atque Andegavum migrarat.

## CHARTA ABBATIÆ GRANDIMONTIS

(PAVILLON, *Vie de Robert d'Arbrissel*, preuves, p. 544, ex antiquo ms.)

Robertus de Arbrissello, vir aptus ad animas lucrandas et ad verbum Dei prædicandum, coenobium quod Fons Ebraudi dicitur in confinio soli Andegaviae, Turonie et Pictaviae, anno Domini 1106 ædificare cœpit, et sanctimoniales feminas sub arcissima regula ibidem congregans Petronillam abbatissam præfecit; qua defuncta ei successit in regimine ejus-

D em monasterii Mathildis soror Gaufridi comitis Andegavensis, etc.

Hi tres socii in religione fuerunt, Vitalis eremita, qui fuerat capellanus comitis Morithonii Abrincensis diœcesis, ac Robertus de Arbrissello, et Radulphus de Fustea. Hi singuli singula monasteria fundaverunt.